

TITU

Titu zĩkena Kereti bũsun

¹ Mamoma Pɔlu, Luda zòbleri, Yesu Kirisi zìrin ma ũ. À ma zĩ mà gbẽ kè Luda n sɛno kaara a náanekenan mà tó aɔ à donzize yāpuraa dɔ, ² le aɔ wɛɛ gɔ dɔ wɛndi kè è yāaroozi, kè Luda à lé gbè zaale anduna e káero. Eè egɛɛ to sɔro. ³ Ben yā pì bò gupuraaa a gurɔɔa waazi kè Luda wa Mísiri dàmɛ ma kɛɛ guu lán à diɛ nà. ⁴ Mámbe ma takada kè kɛnnɛ Titu, ma né yāpuraa Yesu zé kè wá kún lɛdoo guu. De Luda kɔn Kirisi Yesu wa Mísirio gbɛkɛɛ kɛnnɛ, à n gba aafia.

⁵ Ma n to Kereti, le n yā kè gɔ gweenɔ gɔgɔ, n gbɛnsinɔ diɛ wéte kɔn wéteɔ lán má ònnɛ nà. ⁶ À maa gbɛnsi gɔ kuu taari sai nɔmɛndodee ũ. À nɛno gɔ dɛ ludanaanɛkerinɔ ũ, wàtongɔ n dɔ né zàzari swāgbāadeenɔ ũro. ⁷ Zaake gbɛnsi né Luda zĩ gwàrimɛ, àtongɔ dɛ taaridee ke wadadee ke pɔfɛri ke wɛderi ke gbɛ pāsĩ ke ɔɔzaawɛteri ũro. ⁸ Sé àgɔ dɛ nibɔfɔri ũ, làakaridee kè zè kɔn maakenao ũ, gbɛ súusu kè kú adona bensɔ à a zĩnda kūna dɔɔ ũ, ⁹ gbɛ kè zè gbāngbān kɔn yā náanɛdee kè wè dańneɔ ũ, le à e à lé da gbɛ pāndenɔa kɔn yāzededannɛna pìo, à gbɛ kè bò à yā kpɛenɔ egɛɛ káńne n ɔzĩ.

¹⁰ Zaake swāyāmarisaidee kè aɔè gbɛno likɔa kɔn n yā'onaonɔɔ pari, atɛnsa gbɛ kè aɔ zè kɔn bāngukɛna yāonɔ. ¹¹ Aɔè ua lɛzii yaka. À maa wà lɛsɔ dańne. Aɔè yā kè dɛ wà dańneroo dańne ɔɔ zaa ena yāanzi. ¹² Kereti bũsu annabi ke bè,

Keretino né egēdeenome, nòbo pāsīnōme, ye'uzi meadeenome. ¹³ Yā pì né yāpuraame. Beee yānzi n̄ kpākēñzi maamaa, le aōgō dōnzize kūna gbāa. ¹⁴ Aōton làakari dō Yudanō garaaro ke gbē kē aō kē yāpuraaa yādienano. ¹⁵ Póke ègō gbāsī gbāsīsaideenōero, bensō póke ègō gbāsī sai ludayādarisai gbāsīdeenōero, kē aō laasuu kōn n̄ nòseo zaa yānzi. ¹⁶ Aōè be wà Luda dō, ben aō yākena è n̄ egē bo. Begizinome, aōè yā maro, aōè fō wà yā maa ke kero.

2

Yādannena zédee

¹ Mmōn sō, n̄ yā kē è kō sé kōn yāzēdedannēnao dañne. ² N̄ da mare ìsinōne aōgō n̄ zīnda kūna dō gbē bēēdeenō ũ làakarideenō ũ. Aōgō dōnzize kūna gbāa kōn yenzio kōn menao. ³ N̄ da nōgbēnsinōne dō aō kuuna gō de dōnziri maaano kuuna ũ. Aōtongō de guderī ke wē zōnō ũro. Aō yā maaa dañne, ⁴ le aō lé da nōzāreenōa aō baade gō ye a zāzi kōn a nēno, ⁵ aōgō de làakarideenō ũ gbāsī sai, aō làakari dō n̄ ua zīia, aō baade mì sie a zāne le wàton Luda yā zaa boro yānzi.

⁶ N̄ lé da gōkparēnoa dō aōgō làakari vī. ⁷ N̄ yāmaakena zé dōdañne à píngi guu. N yādannena gō bēē vī à kō sé kōn n̄ yākenao ⁸ kōn yāzēdee kē weé fō wà à egē borooo, le wí gbē kē aō bō n̄ kpēeno kū, aōton yā zaaa e wà o wa yā musuro yānzi.

⁹ N̄ lé da zōnoa aō mì sie n̄ diinōne yā píngi guu, aō yā kē eé káñne ke. Aōton yā sínlaro. ¹⁰ Aōton kpāi om̄maro. Aō tó wàgō n̄ dō gbē náanēdeenō ũ

maamaa, le Luda wa Mìsiri yā kè weè dańne wée bɔ yā pínɡi guu.

¹¹ Zaake Luda gběke kè mò kǒn mìninao baade pínɡine bò gupuraa. ¹² Gběke pì e daawe wà kpɛ li yā kè èe kǒ sɛ kǒn Luda yāoroone kǒn anduna pónidenano, le wàgɔ wa zĩnda kũna dɔ gbě maaano ũ, ludayādarino ũ anduna tiaa kèkii guu, ¹³ wa wée gɔ dɔ guro aubarikadee kè wée dāazi. Àmbe wa Luda bíta wa Mìsiri Yesu Kĩrĩsĩ móɡuro gakuidee ũ. ¹⁴ À a zĩnda kpà wa yānzi, à wa bɔ zaa pínɡi guu, à wa gbāsĩ gògo, le wà gɔ a zĩnda gbě kè aɔo maakena aĩa vĩino ũ. ¹⁵ Ñ yā pino dańne ñ lé daorĩma. Ñ kpākēnzĩ kǒn iko kè ñ vĩio pínɡi. Ñton tó gběke kya kánguro.

3

Wà làakari dɔ maakɛnaa

¹ Ñ dɔ n gbēno aɔ mĩ siɛ gbāadeenone kǒn ikodeeno, aɔ ñ yā ma, aɔgɔ kú kǒn maakena pínɡi soruo. ² Aɔton gběke tó zaaa síro. Aɔgɔ de nòɛdode yáketesaideeno ũ kè aɔo busana baade pínɡine. ³ Zaake wapino se, wá faa vĩ yāro, ludayādarisaino wa ũ. Wa sāsā, wá de ponnakena kǒn dà zaa pínɡio zòno ũ. Weègɔ kú kǒn nòɛ zaaao kǒn nòɛgɔaano. Wá de begizino ũ, wa zakǒn. ⁴ Baa kǒn beeeo kè Luda wa Mìsiri gběke kǒn à yenzio bò gupuraa, ⁵ ben à wa mĩ sì. Èe ke wa maakena yānzino, kè à wēnda dɔwe yānzime. À wa zú ò à wa i dufu, à tò wa gɔ gbě dufuno ũ kǒn a Ninii ⁶ kè à pisiwa gbāao Yesu Kĩrĩsĩ wa Mìsiri gāzĩ. ⁷ Beee

yānzi yā bōwao nna à gběke yānzi, wa gō túbiblerinō ũ, wá wée dō auzennazi. ⁸ Yā pì né yāpuramε.

Má yezi ñ gā na yā pìnō onaa maamaa, le ludaanaanekerinō e wà mè kpá maakεnaa. Beee maa, à kaarana vī gbēnōnε.

⁹ Ñ bàa lé mìsai yāgagananε kōn dezinō tó kōwēnao kōn swèeo kōn leokpakōakena Musa doka yā musuo, zaake yā pāanōmε, aōō kaarana vīro. ¹⁰ Ñ kpākē gbē kē è tó wà kēkōazi baa gēn plaa, gbasa ñ péa. ¹¹ Ñgō dō kē gbē beee taka sāsā. Durunkεrimε, à a zīnda bōbō.

Léammāna

¹² Tó ma Atema ke Tikiku zīmma, ñ zé wete ñ mó ñ ma le Nikōpoli, zaake ma zεo mà buusie de gwe.

¹³ Ñ aīa ke ñ kūsāε ke bùsu dokadōri Zenasinε kōn Apoloo le pōke tón kēsāmmaro í tá guu. ¹⁴ À maa wa gbēnō maakεna dada aō ñ zīnda kpáa, aō yā kē kō sionō bōkōte le wātongō kuu pāro. ¹⁵ Gbē kē wá kú ledoonō ñ kpām̄ma í píngi. Ñ ñ kpá gbē kē aōō yewazi Yesu zé guunōa. Luda gběkeε keare a píngi.

Luda yá takada kɔ̃n Bokobaru yáo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5